

Egipat: Desetine mrtvih na utakmici

1 februar 2012 Izmijenjeno 21:11 CET

Najmanje 73 osobe su poginule, a više desetina je ozlijeđeno u sukobima fudbalskih navijača u Port Saidu



Igrači al-Ahlyja i dio njihovih navijača spas su potražili u svlačionici [AFP]

Najmanje 73 osobe su poginule, a više desetina je ozlijeđeno u sukobima navijača nakon nogometne utakmice Egipatskog prvenstva između Al-Masrya i Al-Ahlyja u Port Saidu, potvrdili su egipatski dužnosnici.

Nakon što je klub Al-Masry iznenađujuće pobijedio vodeći egipatski klub al-Ahly sa 3:1, navijači pobjedničkog tima ušli su na teren te gađali kamenjem i bocama fudbalere i navijače suparničkog kluba. Većina žrtava umrla je od gušenja ili povreda glave. Dvojica igrača zadobili su lakše povrede. Igrači al-Ahlyja i dio njihovih navijača, spas su potražili u svlačionici. Navijači ova dva egipatska kluba imaju dugu istoriju krvavih sukoba, koji su posebno eskalirali posljednjih godina. Egipatski fudbalski savez do daljnjeg je suspendirao prvenstvo.

Odsustvo policije

Nasilje na fudbalskim utakmicama učestalo je nakon revolucije u Egiptu zbog odsustva policije na stadionima. Neredi su izbili kada su navijači nekoliko minuta poslije završetka utakmice upali na teren, prenosi AP. Među poginulima ima i pripadnika snaga sigurnosti, naveli su zvaničnici. Najmanje dva igrača su zadobila lakše povrede. Sukobi suprotstavljenih navijačkih skupina započeli su odmah nakon što je sudac odsvirao kraj utakmice dvije trenutno najbolje egipatske momčadi.

Rawya Rageh, reporterka Al Jazeera iz Kaira, rekla je da su neredi česta pojava na utakmicama nakon revolucije, zbog nedostatka policijskih snaga. "U sigurnosnom vakuumu koji je nastao nakon revolucije, policija je doslovno nestala sa ulica nakon zloglasnih postupaka tokom revolucije."

Al Ahly je klub iz Kaira čiji su navijači poznati po brojnim izgredima. Egipatski fudbalski savez trenutačno je suspendirao prvenstvo do daljnjeg.

Izvor: Al Jazeera